

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
GRAD BOSANSKA KRUPA
GRADSKI ORGAN UPRAVE
Broj:07-11-5-8468/24
Dana: 26.11.2024.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), u otvorenom postupku nabavke radova s namjerom provođenja e-aukcije – Vanjsko uređenje objekta Doma kulture u Bosanskoj Krupi, na prijedlog Komisije za provođenje postupka javne nabavke, Gradonačelnik grada Bosanska Krupa, kao rukovodilac organa uprave donosi:

ODLUKU **o izboru najpovoljnijeg ponuđača**

1. Prihvata se ponuda ponuđača **d.o.o. „I-KOMIĆ“ Bosanska Krupa**, u predmetu nabavke radova: **Vanjsko uređenje objekta Doma kulture u Bosanskoj Krupi**, sa cijenom u ukupnom iznosu **122.900,00 KM bez PDV-a**, odnosno **143.793,00 KM sa PDV-om**.
2. Izabrani ponuđač se obavezuje da u roku ne dužem od 10 (deset) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke.
3. Po konačnosti ove odluke sa izabranim ponuđačem potpisat će se ugovor o izvođenju radova na vanjskom uređenju objekta Doma kulture u Bosanskoj Krupi.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-8468/24 od 29.10.2024. godine. Javna nabavka je provedena putem otvorenog postupka s namjerom provođenja e-aukcije– Vanjsko uređenje objekta Doma kulture u Bosanskoj Krupi. Obavještenje o nabavci broj: 1272-1-3-138-3-137/24 od 30.10.2024. godine - objavljeno na portalu JN (TD preuzelo ukupno 12 ponuđača) i u „Službenom glasniku BiH“, broj: 73/24 od 1.11.2024. godine
Po objavljenom obavještenju rok za prijem ponuda je bio 20.11.2024. godine, zaprimljene su tri blagovremene ponude, i to:

1. **d.o.o. „I-KOMIĆ“ Bosanska Krupa**, broj protokola: 07-11-5-8468-2/24, zaprimljena dana 19.11.2024. godina u 12:55 sati
2. **d.o.o. „EURO-COP INVEST“ Bosanska Krupa**, broj protokola: 07-11-5-8468-3/24, zaprimljena dana 19.11.2024. godina u 12:55 sati
3. **d.o.o. „KOV-GRAD“ Bužim**, broj protokola: 07-11-5-8468-4/24, zaprimljena dana 20.11.2024. godina u 10:19 sati

Komisija za provođenje postupka javne nabavke je u skladu sa tenderskom dokumentacijom dana 20.11.2024. godine u 12,30 sati, izvršila javno otvaranje ponuda i na zapisnik konstatovala:

1. **Ponuđač d.o.o. „I-KOMIĆ“ Bosanska Krupa**, dostavljena ponuda uredno zapakovana (original i kopija) i bez vidnih oštećenja, ponudio je:

cijena ponude:	147.909,65 KM bez PDV
iznos PDV:	25.144,65 KM PDV

ukupna cijena ponude: **173.054,30 KM sa PDV- om**
Nema popusta.

- 2. Ponuđač d.o.o. „EURO-COP INVEST“ Bosanska Krupa**, dostavljena ponuda uredno zapakovana (original i kopija) i bez vidnih oštećenja, ponudio je:

cijena ponude: **147.847,47 KM bez PDV**
iznos PDV: **25.134,07 KM PDV**
ukupna cijena ponude: **172.981,54 KM sa PDV- om**
Nema popusta.

- 3. Ponuđač d.o.o. „KOV-GRAD“ Bužim**, dostavljena ponuda uredno zapakovana (original i kopija) i bez vidnih oštećenja, ponudio je:

cijena ponude: **147.900,00 KM bez PDV**
iznos PDV: **25.143,00 KM PDV**
ukupna cijena ponude: **173.043,00 KM sa PDV- om**
Nema popusta.

Komisija za provođenje postupka javne nabavke je izvršila evaluaciju dostavljenih ponuda i konstatovala da su ponude ponuđača d.o.o. „I-KOMIĆ“ Bosanska Krupa, d.o.o. „EURO-COP INVEST“ Bosanska Krupa i d.o.o. „KOV-GRAD“ Bužim potpune, ispravne u formalno-pravnom smislu (ponuđači su dostavili ponudu u skladu sa tenderskom dokumentacijom, ispunili uslove za učešće, dostavili potrebne dokaze), da su računski tačne i u okviru procijenjene vrijednosti.

S obzirom na navedeno Komisija je predožila ugovornom organu da zakaže e-aukciju sa kvalifikovanim ponuđačima, i to doo „I-KOMIĆ“ Bosanska Krupa, d.o.o. „EURO-COP INVEST“ Bosanska Krupa i d.o.o. „KOV-GRAD“ Bužim, u skladu s Pravilnikom o uslovima i načinu korištenja e-aukcije (“Službeni glasnik BiH” broj 80/23).

Provođenje e-aukcije je zakazano za dan 26.11.2024. godine u 11:00 h i ista je trajala od 11:00 h do 11:45 h. Na osnovu izvještaja o toku i završetku e-aukcije utvrđeno je da je konačna rang lista ponuđača sljedeća:

- Rang 1. d.o.o. „I-KOMIĆ“ Bosanska Krupa**, konačna cijena ponude iznosi **122.900,00 KM bez PDV-a**, pa ukupna cijena ponude iznosi **143.793,00 KM sa PDV-om**, (početna cijena ponude umanjena za 16,91%);
- Rang 2. d.o.o. „KOV-GRAD“ Bužim**, konačna cijena ponude iznosi **123.000,00 KM bez PDV-a**, pa ukupna cijena ponude iznosi **143.910,00 KM sa PDV-om**, (početna cijena ponude umanjena za 16,84%);
- Rang 3. d.o.o. „EURO-COP INVEST“ Bosanska Krupa**, konačna cijena ponude iznosi **125.000,00 KM bez PDV-a**, pa ukupna cijena ponude iznosi **146.250,00 KM sa PDV-om**, (početna cijena ponude umanjena za 15,45%);

Komisija je konstatovala da je procijenjena vrijednost radova, urađena na osnovu projektne dokumentacije, predmjera i predračuna radova i ispitivanja tržišta, cijena bez PDV: 147.912,78 KM, cijena sa PDV 173.057,95 KM.

Nakon uspješno završene e-aukcije sa kvalifikovanim ponuđačima, a s obzirom da je kriterij za dodjelu Ugovora „najniža cijena tehnički zadovoljavajuće ponude“, da je prvorangirani ponuđač d.o.o. „I-KOMIĆ“ Bosanska Krupa, da je cijena prvorangirane ponude u vrijednosti 122.900,00 KM bez PDV-a odnosno 143.793,00 KM sa PDV-om, u okviru procijenjene vrijednosti predmetne nabavke, Komisija za provođenje postupka javne nabavke je predložila Ugovornom organu da donese Odluku o izboru najpovoljnijeg ponuđača, i to prvorangiranog ponuđača d.o.o. „I-KOMIĆ“ Bosanska Krupa i zaključi Ugovor.

S obzirom da je kriterij za dodjelu ugovora „najniža cijena tehnički zadovoljavajuće ponude, “ i da je ponuda ponuđača d.o.o. „I-KOMIĆ“ Bosanska Krupa prvorangirana i da je u okviru procijenjene vrijednosti predmetne nabavke, Ugovorni organ je prihvatio prijedlog Komisije i odlučio kao u dispozitivu odluke.

Pouka o pravnom lijeku

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:

Selma Bužimkić, dipl. pravnik

GRADONAČELNIK

Armin Halitović

Dostavljeno:

1. d.o.o. „I-KOMIĆ“ Bosanska Krupa, putem e-maila
2. d.o.o. „EURO COP INVEST“ Bos. Krupa, putem e-maila
3. d.o.o. „KOV-GRAD“ Bužim, putem e-maila
4. U spis
5. a/a